
TE HEHEURAA API

I neia i te piha neneiraa no te Ekalesia a Iesu Mesia i te Feia Mo'a i te Mau Mahana Hopea Nei i Papeete, Tahiti, i te mau fenua Sotaiete, i te mau avae atoa. Te hoo e piti farani i te matahiti hoê.

Nu. 6

Tiunu. 1919

Mat. 13

E MARATIRI NO TEIE MAU ANOTAU API NEL.

E toru matahiti te aueue-noa-raa te tama'i i rotopu i to te fenua iho, i te fenua ra o Mexico. Manu'ia'tura te orureraa-hau i ravehia e Madero, te tavana no taua fenua ra, ia Diaza. Opu'a'tura o Diaza e te tahi atu â mau raatira rahi e e tama'i ratou i taua tavana orure-hau ra. I te upoo-tiaraa o Diaza, tia maira te hoê pūpū orure-hau apî o tei raatirahia e Huereta. Taparahi haapohe roa'tura taua taata nei ia Medero e te tavana-piti no Mexico, haru ihora oia i te toroa perisideni no Mexico, e faariro roa'tura ia'na iho ei tavana rahi no taua fenua ra. Aore te hau Amarika i farii i taua taata orure-hau ra, oia o Huereta, ei perisideni no Mexico. Ua faarue ê na hoi te tonitara Amarika i taua fenua peapea rahi ra, e ua a'o taua tonitara ra i to ratou iho mau taata e haere i rapae i Mexico. Tupu a'era te inoino o to Mexico i to Amarika. E i reira mau te vairaa te mau tapao faaite e e tupu te tama'i i rotopu i te hau Amarika e te hau Mexico.

I te tupuraa taua peapea ra, te faaea ra i taua fenna ra te hoê pŭpŭ orometua no te Ekalesia a Iesu Mesia nei, tae atura te parau no Roto Miti, i Utaha, ia ratou ra, o tei faai-te atu i taua mau orometua ra e e haere ana'e mai ratou i rapae i Mexico. Faatia i hora ratou i te hoê apoora rahi i roto i te fare orometua, i te oire rahi ra o Mexico. E i roto i taua apoora ra to ratou opuaraa e e faarue ratou i taua fenna ra e tae noa'tu i te tau e hau ai te peapea i reira. E mai tei faatihia mai e te apoora, papai atura te mau orometua i te mau perisideni no te mau amaa Ekalesia i Mexico i te mau vahi i opuahia e ratou ra, e ua haamaramarama maitai atu taua mau orometua ra i te ohipa'e tŭia ia ratou ia rave i roto i to'na amaa e to'na amaa. Ia oti taua ohipa ra haamata a'era ratou i te faaineine i to ratou mau afata-vai-raa-ahu e te mau taihaa'toa. Reva'tura te mau orometua, e te perisideni, oia hoi o Paraita, e to'na utuafare taatoa, na nia i te pereoo auahi, i te oire ra o Vera Curuza.

I te hora torn, i taua ahiahi i hora tae maira te hoê tamati Mexico i te fare orometua. E taata bapetizo-apŭ-hia oia i roto i te faaroo nei. Na ô maira oia i te perisideni, oia ia Paraita; E Paraita e, aore nehenehe ia'u ia faatae atu i te mau parau tapao no to'u oto rahi e no te aroha rahi o te utuafare taatoa i te mana'oraa e, e taa ê outou i te vahi ê. Ua ite papu roa hoi matou e na outou i faatae mai te evanelia ora i rotopu ia matou, e te haamauruuru nei matou i te Atua no te fariiraa matou i ta outou mau haapiiraa. Area râ no te vai-apŭ-roa-raa matou i roto i te faaroo nei, e au ia to matou ite i te mau ture no te Ekalesia nei mai to te tamarii ra. E nahea ra ia matou i te tau e vai noa'i matou i rotopu ia matou iho? I roto i te mau amaa i perisidenihia e te mau perisideni ra, e ohie atoa ia ia ratou ia faatere ia ratou iho, e te vai atoa ra ia te autahu'araa i rotopu ia ratou

ei tamahanahana i te mau melo no te tahi amaa i te tahi amaa, o matou nei râ o te vai apî noa i roto i te faaroo mau nei, aore ia amaa i faatiahia i roto i to matou ra oire. Nafea ia matou? Parau atura te perisideni ra o Paraita i taua tamaiti Mexico ra; e parahi mai oe i nia i teie nei parahiraa. Te horoa'tu nei matou ia oe na te autahu'araa a Melehizedeka, e te faatoroa nei matou ia oe ei peresibutero e ei perisideni i nia i te amaa i faataahia no to onto i oire ra. A ho'i ra i te a'ia. E i reira oe e faatere ai i te pūpū iti i peehia mai e te feia mo'a ra, e haapii ai i te evanelia ia ratou. E mai te mea e e haapao maitai oe i teie nei ohipa ta matou e faatae atu nei i roto i to oe rima, e rave oe i te mau vahi i opuahia mai te faatau ore e te tuutuu ore, e horoahia mai ia te mana rahi, te ite, te paari e te faaoromai no te faaoti-roa-raa i tana ohipa nei.

Farii i hora taua tamaiti ra i taua toroa peresibutero ra e te toroa perisideni amaa i faataehia i nia ia'na ra, ma te aa haehaa e te hinaaro maitai mau.

Aita a'era i maoro, reva'tura te mau orometua, e mai reira mai e tae noa mai i teie nei, aore i tia ia ratou ia ho'i faahou i taua fenua ra, no te tama'i e te mau peapea atoa i tupu i rotopu i te hau Amarika e te hau Mexico. I te revaraa'tu te mau orometua, ho'i atura te tamaiti i faatoroa-apî-hia ra, oia hoi o Rafaela, te i'oa o taua tamaiti ra, i to'na iho oire, o Sana Maraco.

E toohitu noa iho ratou i baptizohia i te tau i maitihia ai o Rafaela ei perisideni no te amaa i Sana Maraco. Te vai noa ra na hoa rii o tei opua e e baptizohia ratou i roto i te Ekalesia nei. Rave i hora o Rafaela i te mau ohipa e au i to'na toroa apî ma te tiaturi papu i te Atua. Haaputuputu maira oia i te mau melo e te mau hoa i piri mai i taua amaa ra, e faaite atura oia i te parau no to'na faatoroa-raa-hia ei peretibutero e ei perisideni tia i no taua amaa ra. Mai reira

mai ratou te haapaoraa i te pureraa e te mau haapiiraa Sabati, i te mau Sabati atoa, e te pureraa i purehia i ropu i te hebedoma. Na roto i te ohipa itoito e te mana'o haehaa i riro ai taua amaa ra ei amaa rahi roa. I roto i te area e piti matahiti ua bapetizohia hoê hanere e pae ahuru taata i roto i te Ekalesia i reira.

Mea atea roa o Sana Maraco i te tahua aroraa, no reira, aore ratou i haapeapeahia e te mau nuu orure hau i roto i na matahiti matamua e toru ra. Area râ te aneue noa ra taua tama'i ra, e te rahi noa'tura to'na amuraa i te mau vahi atoa, mai te hoê auahi rahi o tei haapurarahia e te mata'i i nia i te fenua taatoa, mai te vaiiho râ i te mau mea hupehupe i muri i to'na haerea.

I roto râ ia Me, i te matahiti 1915 tupu maira te peapea i nia i te oire ra o Sana Maraco, e riro ihora taua oire ra ei pû mau no te harururaa tama'i e te mau ohipa ri'ari'a i ravehia e te mau nuu a Zapata i te pae apotoa e te mau nuu a Oberegana, i te pae apatoeran. E toru avae to ratou tama'i noaraa i roto i taua oire ra, e riro atura o Sana Maraco i roto i te rima o Zapata. Ia poipoi a'era, riro faahou atura te oire ia Oberegana.

Te tama'i ra te mau nuu orure hau i roto i taua oire ra, te faatere ra te feia mo'a i ta ratou ra mau ohipa pureraa, ma te haapeapea ore i te tama'i i faatupuhia e te orure hau. Ia haaputuputu te feia mo'a i roto i te fare pureraa, e faaroo pinepine ratou i te haruru o te ofai pupuhi, i te pae atau e i te pae aui, e i nia a, e hoi i to ratou upoo. Aita râ te fare pureraa i tano i te ofai pupuhi.

E rave rahi te mau hoa apî i roa mai na roto i te feia mo'a haapao maitai e to ratou ra itoito i roto i te raveraa i te mau ture a te Ekalesia. Te vai noa ra râ te pen a te Diabolo e ta'na ra faarepurepuraa i te aau o te enemî i mua i te

feia mo'a a te Ekalesia mau. Aore hoi taua Diabolo ra i faahuru ê i ta'na ra mau pen i rotopu i te hui raatirà o Sana Manaco. Te vai ra râ i roto i taua oire ra te hoê taata huru fatata to'na fenua i to to tatou taeae o Rafaela. Ua faa. tupu te Diabolo i te opuaraa ino roa i roto i to taua taata ra mana'o, e opuaraa faaino hoi ia Rafaela e i te mau feia mo'a atoa no Sana Maraco, e te tiaraa o te amaa i reira. E haapaoraa ê roa to taua taata mana'o ino ra.

I te 17 no Tiurai, tupu ihora te hoê tama'i rahi i roto i taua oire ra. Hoê hora i muri a'e, riro atura te oire i roto i te rima o Zapata. I te riroraa taua oire ra, tupu ihora te opuaraa ino a taua taata haapaoraa ê ra i nia ia Rafaela e to te amaa'toa. Teie taua opuaraa ino ra: I te upootiaraa te nuu faehau i raatirahia e Zapata, pari haavare ihora taua taata ino ra ia Rafaela. Teie taua pariraa ra: E Zapata e, te vai nei â te hoê raatira faehau enem i o tei tama'i ia oe e to oe ra mau faehau here, o Rafaela to'na i'oa. E perisideni oia no te mau Moromona. Ia haere oe i to'na ra utuafare, i reira oe e ite ai i te mau mauhaa tama'i ta'na i huna maite. Ta'na ohipa i roto i teie nei oire ra, e faafariu ia i te mana'o o to tatou mau taeae, ia riro ratou ei faehau na'na, e te Atua ta ratou e haamori nei, e Atua ê roa ia. Vare atura o Zapata i taua pariraa hohou ra, no te mea e e pipi taua taata i pari maira no te haapaoraa o Zapata, e te Atua i haamorihia e Zapata ra, o te Paretenia Guadalupe ia. Te tama'i atoa ra hoi ratou na nia i te i'oa o taua paretenia ra, e te opani nei ratou i te parau maitai, eiaha ia tae i mua i te aro o te mau taata o tei haamori i te hoê Atua ê. No reira, te roaaraa mai taua oire ra, haaati ihora te mau faehau a Zapata i te fare o Rafaela, e haru a'era ratou ia Rafaela e ia Viceneta, te hoa taeae no Rafaela. I te noaaraa taua na taata mo'a ra, ani maira te mau faehau a Zapata i te mau mauhaa ta-

ma'i i hunahia i roto i te fare. Aore hoi o Rafaela i huna i te pupuhi, aore atoa hoi oia i tama'i i te nuu faehau a Zapata. Iriti maira râ o Rafaela i te Bibilia e te Buka a Moromona, mai roto mai i to'na pute pereue, e parau atura oia ia ratou: "E homa, a hi'o mai na i teie tau buka mana nei. Te reira ta'u mauhaa tama'i, i roto i te tama'i i arohia e te feia mo'a no te parau mau e te parau-tia. Aita'tu ai, maori râ hoi taua na Buka nei."

No te faahiahia o taua pahonora a ra, riri atura te mau faehau orure hau, e riro atura ratou mai te auahi papaina te huru. Tapea puai hia'tura o Rafaela ma, hou a'e te faehau i paheru ai i te fare o Rafaela e e imi ai i te pupuhi i tohuhia mai e te pipi opua ino ra o Zapata. Aore râ e pupuhi to reira. Hamani ino atura te faehau ia Rafaela e ia Viceneta no te mana'o e e faaite mai ia rana i te hunaraa o taua mau pupuhi ra. No te fiu o te faehau haamarû riri atura ratou i ta ratau raverâa i nia ia Rafaela ma. Rahi roa'tura te riri o te Diabolo, e opua'tura oia e e faaino roa ia raua. Taamuhia ihora to raua arapoa i te taura, e taamuhia ihora taua taura nei i nia i te hoê amaa raau. Hou a'e râ i rî raua, ui maira te raatira o taua nuu faehau ra ia Rafaela e ia Viceneta: "E faaore anei orua i te haamori i to outou ra Atua? E faarue anei orua i te haapaoraa Momoni ra, e amui anei orua ia matou i roto i te haapaoraa Paretenia Guadalupe ta matou e haamori nei? Mai te mea e e farii orua i teie nei aniraa ra, e faaorahia ia orua." Pahono atura to tatou taeae ra o Rafaela: "E homa, noa'tu e e taparahi haapohe-roa-hia o maua, eita maua e faarue i te Ekalesia, no te mea e hau a'e te faufaa o te evanelia ta maua e haapao nei i te ora o teie na tino tahuti noa nei." I te otiraa taua pahonora a Rafaela ra, faaetaeta ihora ratou i te taura tei taamuhia i nia i to raua a'i, huti a'era ratou i taua taura ra, tarere noa ihora

te tino o Rafaela e o Viceneta, mai te tautau uati te huru. Vahiho-noa-raa-hia ia to raua tino i tarere noa i nia i taua amaa raau ra. Aita raua i pohe roa, na manunu noa ra. Aore râ i maha te hinaaro hamani ino o taua mau faehau ra, no reira tuu atura ratou i taua na tino o Rafaela e o Viceneta i raro. Tairiiri ihora ratou i taua na tino mo'a ra, ia araara faahou mai to raua pue mata.

I te ora-faahou-raa mai taua na pipi ra, tupu ihora te mana'o tiaturi i roto i te aau o na tuahine e tootoru o Rafaela. Haere atura ratou i te fare o te raatira no te nuu faehau Zapata, ma te opua e e faateniteni i taua raatira ra ia ora mai to ratou ra taeae, o Rafaela e o Viceneta. Tera râ, riro atura to ratou ra oto, to ratou ra faateniteniraa e to ratou ra taparuraa i taua raatira aau ino ra, ei mea faufaa ore. Haruhia atura taua mau tamahine ra, e hurihia'tura i roto i te fare auri. E a'ohia'tura te mau faehau tia i e e tia i etaeta maitai ratou i taua mau poti ra.

I te hora ahuru i te avatea i hurihia'i te mau tuahine o Rafaela i roto i te fare auri. Aita i maoro i muri a'e, i taua mahana ra, rave atu ai te faehau a Zapata i ta ratou mau ohipa ino i nia iho ia Rafaela ma, anihia'tu ai raua e faarue i te haapaoraa Momoni e faariro ia raua ei pipi mau na Sataani e fafau atu ai te mana'o i to te faehau aau ino ra, aita râ iho â e ravea e roaa mai ai taua na taeae no Zapata ra.

Arataihia maira o Rafaela ma i roto i te fare auri, tuuhia'tura raua i roto i te piha i reira te opani-raa-hia o te tuahine o Rafaela. Faaitoito atura o Rafaela i to'na mau tuahine e parau atura oia ia ratou e e tiaturi maite â i te Atua, ma te feaa-ore, ei reira iho â e maitai ai te mau mea'toa. Ani atura oia i te taata tia i, i te tahi maa pape ei horoi i to'na mata e i haamârû hoi i to'na a'i i te vahi i pêpê i te taura. I te maa-raa oia, iriti maira oia i te Bibilia e te Buka a Moromona

mai roto mai i to'na pute. Po atura te mahana i to'na haapiiraa i te evanelia ora i te mau faehau tiaí e i te mau taata atoa i tapeahia i roto i taua piha fare auri ra.

Te imi maite ra hoi te metua vahine, mai te poipoi mai e tae noa'tu i te ahiahi, i te ravea e tuuhia'i ta'na ra mau tamarii i rapae i te fare tapearaa. Aita râ ta'na opuaraa i manuia. I te hora hitu râ, faatiahia'tura oia e afai i te tahi maa rii i ta'na ra mau tamarii, aita râ oia i faatiahia ia haere-roa i roto i to ratou piha e farerei ia ratou. Na te tuati i afai te maa i roto i te piha. No te oto e te mata'u, aore te mau tuahine o Rafaela i poia. Na roto râ i te mau parau tamahanahana a Rafaela, ore roa'tura to ratou mata'u. Faanahonahoraa ia ratou i te maa i nia i te tahua, e i te ineineraa, ani atura o Rafaela i te mau taata mau auri atoa e i te mau faehau orure hau tiaí hoi, e faaoromai rii i te maniania, e pure atura oia i te Atua ia haamaitai mai Oia i ta ratou maa. Ua parau puai mai oia ia faaroo maitai to te fare auri taatoa i te mau parau maitai ta'na i vaha mai. E haamaitai atura oia i te Atua lo to'na haapao-maitai-raa ia ratou i roto i te ati e te oto. I te otiraa te pureraa, parau atura o Rafaela i to'na ra mau taeae: "A tamaa ana'e, o vau nei râ, aore ia vau e tamaa, inaha, ua haapae au i te maa i teie nei mahana.

Aita i maoro i muri a'e, i taua ahiahi ra, tae maira te hoê faehau o tei ani mai i te faehau tiaí e e tuu mai ia Rafaela raua o Viceneta, na'na e aratai ia raua i rapae i te oire. Arataihia'tura o Rafaela ma i rapae i te oire. Hamani inohia'tura o raua. Faatiahia'tura raua i pihaiho i te hoê tumu raau, i mua mau i te aro o te hoê pūpū faehau o tei faataahia ei pupuhi ia raua. Hou a'e râ pupuhihia'i raua, ui atura te raatira no taua pūpū faehau ra: "Mai te mea e e faarue orua i te haapaoraa Momoni e e farii mai orua i te haa-

paoraa Zapata o tei haamori i te paretenia Guadalupe ra, e faaorahia ia orua." Pahono atura o raua mai te aueue ore e te faahuru-ê-ore hoi i te hoê vahi iti a'e i te parau ta raua i pahono atu i te matamua ra, oia hoi: "E homa, noa'tu e e taparahi haapohe-roa-hia o maua, eita maua e faarue i te evanelia a Iesu Mesia, no te mea e hau a'e te faufaa o te evanelia ta maua e haapao nei i te ora o teie na tino tahuti noa nei."

Faaite maira te raatira ia raua e e pupuhibia raua, e ani atura ia raua e, aita anei ta raua e mea rii e hinaaro e faaite mai. Pahono atura to tatou taeae o Rafaela e e hinaaro to'u, e ani atura oia i taua raatira ra ia faatia mai ia'na ia pure oia i te Atua hou a'e oia e pupuhibia'i.

Hou a'e râ pupuhibia'i o raua, ui faahou atura te raatira no taua pŭpŭ faehau ra, i te na ôraa mai: "Mai te mea e e faarue orua i taua haapaoraa Momoni ra, e e farii mai orua i te haapaoraa Zapata o tei haamori i te paretenia Guadalupe ra e faaorahia atu ia orua. Pahono atura raua mai te aueue ore e te faahuru-ê-ore hoi i te hoê vahi iti a'e i te parau ta raua i pahono atu i te matamua ra, oia hoi, "E homa, noa'tu e e taparahi-pohe-roa-hia maua, eita maua e faarue i te Ekalesia a Iesu Mesia nei, no te mea e hau a'e te faufaa o te evanelia ta maua e haapao nei i te ora o teie na tino tahuti noa nei.

Faaite maira te raatira na taua pŭpŭ faehau ra ia raua e e pupuhibia raua e ani atura oia ia raua e, aita anei a raua e hinaaro rii? Pahono atura to tatou taeae o Rafaela e e hinaaro to'u, e i reira ani atura oia i te mau faehau e faatia ia'na ia pure oia i te Atua hou a'e raua e pupuhibia'i, e i taua vahi ihora, e i mua hoi i te aro o taua mau faehau orure hau hamani-ino ra, tuturi ihora o Rafaela raua o Vicene-

ta i nia iho i te repo, pure atura o Rafaela i te Atua ora mau ra, mai te faateitei-maitai-hia i to'na re'o i te na ôraa'tu e: E te Atua e, te ani haehaa'tu nei maua ia oe na ia paruru mai i to maua mau fetii e vai i te ao nei i muri i to maua pupuhiraahia, e tamahanahana atoa i te feia mo'a i roto i teie nei amaa iti o te vaiho-atoa-hia ma te perisideni tia'i ore. Faaotibia ta'na pureraa mai te ani atu i te Atua i te hoe â parau i anibia'toa e te Mesia a vai ai o Iesu i nia i te satauro, i te na ôraa'tu: "E tau Metua; e faaore mai te hara o to teie mau faehau orure hau, aore hoi ratou i te i ta ratou e rave nei, e te ani atu nei maua i teie mau mea mai te i'oa o Iesu Mesia, Amene."

I roto i ta'na ra pure, aore roa oia i ani atu i te Atua ia tauturu mai ia raua, ia ore raua e pupuhihia; ia oti râ i ta raua pureraa, tia a'era raua i nia, mai te farii atu i te mau faehau pupuhi ra, e na ô atura ia ia ratou: "E homa, ua ineine maua, a faaoti ra to outou hinaaro." Haruru i hora na pupuhi e ono, tae roa atura te haruru o te pupuhi i roto i te vahi i faaeahia e te mau tuahine o Rafaela o tei tapea-noa-hia ra i roto i te fare auri, e ua faaroo atoa te metua vahine, e te hoa hoi no Rafaela i te re'o o taua mau pupuhi ra o tei faaita mai ia ratou atoa ra e, ua pohe o Rafaela raua o Viceneta ua horoa raua i te raua ora no te i'oa o te Fatu, e ua riro raua ei Maratiri no te evanelia a Iesu Mesia. Te na ô maira te Mesia: "Ia horoa te taata i to'na iho ora no to'na ra mau taua, aita roa taata aroha ê atu i tei reira."

Faatia maira te hoê faehau o tei ite i te pupuhi-raa-hia o Rafaela raua Viceneta i te huru mau o taua ohipa ra, te na ô maira oia i te mau fetii a Rafaela, aore au i te ite i te hoê taata mata'u ore i te pohe mai ia Rafaela raua o Viceneta te huru, e taua pureraa i purehia e Rafaela ra hou a'e pupuhihia'i raua, auê te nehenehe e te au e! aore roa vau i faaroo i te hoê pure mai te reira te huru.

Aita a'era i macro i to raua pupubiraahia, i tupu mai ai te hoê vero rahi e te ua hoi i taua po ihora, mai te mea ra e, te oto ra te ra'i no taua hamani-ino-raa i ravehia ra, e mai te mea hoi, te horoi ra te ua i taua fenua ra ia mâ roa i te toto no taua na taata parau tia ra. E noa'tu i taua vero rahi o tei tupu i te rahi ra, haere atura te mama na Rafaela i roto i te poipoiri taoto roa, e ua imi haere noa oia i te tino o to'na ra tamaiti i pupubiria ra mai te oto e mai te aan mauini. Ua faateniteni atura oia i te mau faehau ia faaite mai ratou i te vairaa o te tino o ta'na ra tamaiti, aore râ ratou i parau mai, aore atoa to'na mana'o i vi, haere noa atura oia e tae noa'tu i te hora maha i te poipoi a ite ai oia i taua na tino pohe ra. Te na ô maira taua metua vahine aau oto ra; auê hoi au e, ahiri aita te Atua i tauturu mai ia'u, e i faaetaeta hoi i to'u nei tino i roto i taua po ahoaho ra, aore ia vau i manuia i roto i tau imiraa i te tino o ta'u tamaiti here e to'u taeae hoi, no te mea i te mau tau i mairi a'enei na ri'ari'a roa ia vau i te iteraa i te toto i nia iho i te taata e ua tupu atoa hoi ia te matapoiri, i taua po ra ua boroa mai te Atua i te faaoromai ia'u, no reira ua faaea noa vau i paiaho i to raua na tino mai te tia maite ia raua e tae noa'tu i te hihiraa mahana.

Ua tapeahia te mau tuahine a Rafaela i roto i te fare tapearaa e tae noa'tu i te poipoi. I taua poipoi ra te opua ra te mau faehau orure hau e aratai i taua mau tuahine a Rafaela ra i te vahi e haerehia e to ratou nuu. Haere atura te metua vahine a taua mau tuahine ra i te fare o te raatira e faateniteni atura oia ia tuuhia mai ta'na ra mau tamahine i rapae i te fare tapearaa. No te mea ua pohe ta'na ra tamaiti ua hinaaro oia ia vaiihohia mai ta'na ra mau tamahine. Ua mana'o taua raatira ra e, no te poheraa a te taata aratai no taua amaa Moromona ra e ino ia te amaa taatoa. No reira, farii maira oia i te titauraa a taua metua vahine ra, e i te hora vau i taua poipoi ra, tuu-hia'tura taua mau tamahine ra i rapae.

Ua faaue atu te raatira faehau e, ia taparahihia te mau taata atoa o tei tauturu i te hopoi-ê-raa'tu i na tino pohe o Rafaela e o Viceneta ra, no reira, aore atu e ravea to te mama, e ta'na ra mau tamahine, e te hoa faaipoipo a Rafaela, maori râ e e tamata ratou i te taitai ê atu i taua na tino here ra i te vahi tanuraa ra, noa'tu e e tino paruparu ta ratou.

Hamani ihora te mama e ta'na ra mau tamahine i te hoê roi, tuu ihora ratou i taua na tino herehia e ratou i nia ino, hopoi atura i to ratou iho fenua hoê afa maile i te atea, i te vahi pupuhiraa, faanehenehe a'era i to raua na tino, e tanu ihora.

Ua mana'o papu te mau taata o tei taparahi ia Rafaela raua o Viceneta e, i te poheraa'tu te perisideni tiaï no taua amaa i Sana Maraco ra e ino atoa'i te amaa iho. E ere anei ia te hoê â huru mana'o i tupu i roto i te aau o to mutaaïhoro, a taparahi atu ai ratou i te mau peropheta e te mau tavi-ni no taua anotau ra? E ere anei hoi ia te mana'o o te mau taata o te taparahi ia Iosepha Semita? Oia mau roa. Teie nei amaa i Mexico, aore ia i ino, e aore hoi i paruparu hoê vahi iti a'e, te faaroo o te mau melo, ua tupu oioi noa râ i te rahiraa. E i teie nei mahana ua riro taua amaa ra ei amaa rahi roa.

Te na ô maira te metua vahine no Rafaela i roto i te hoê reta ta'na i papai atu i te perisideni ra o Paraita, oia hoi, "E Paraita e, ua rahi, e te rahi noa'tu ra ta matou oto no te hamani-ino raa mai o te enemi ia matou, area râ ua rahi e te rahi noa'tu ra, aita faito, to matou faaroo e to matou ite e e Ekalesia mau ta tatou e tiaturi nei. E te rave itoitoe nei â matou i te ohipa mai te au i to matou ite.

Ei ia outou te ora mau i roto i te i'oa o Iesu Mesia, Amene.

Iritihia e Ioane Moniko.

TOAE A MAIRE, Faaau Parau, Rue Dumont d'Urville, Orovini, Papeete, Tahiti.
 ERNEST C. ROSSITER, Imprimeur, Rue Brea et de la rue Dumont d'Urville,
 Papeete, Tahiti.

Mau Parau Apî

Ua tae mai te hoê vea, oia hoi, "Deseret News" E ua neneihia te parau i tuuhia i muri nei i roto i taua vea ra. Teie taua parau nei.

Te Farue nei te Perisideni no te Ekalesia Faaapîhia ra, (oia hoi, Ekalesia Sanito) i to'na toroa.

Lamoni, Iowa i te 10 no Eperela. Te tuu atu nei o Federerika M. Semita i te faaho'iraa i to'na ra toroa perisideni no te Ekalesia a Iesu Mesia i Faaapîhia i te Feia Mo'a i te Mau Mahana Hopea nei, i mua i te aro o te Amuiraa rahi i haaputuputuhia i teie nei hebedoma i o nei, oia hoi, i Lamoni e na ratou e feruri i te reira.

Teie nei parau apî i nia nei no te Ekalesia Sanito ua neneihia ia i roto i te Deseret News, i te 10 no Eperela, a putuputuhia'i te Sanito i roto i te hoê amuiraa rahi, e i te 17 no Eperela, ua neneihia teie parau i tuuhia i muri nei.

Te Manuïa nei Semita ia fariihia ta'na ra mau titauraa e te Ekalesia.

Lamoni, Iowa i te 16 no Eperela.

I te tupuraa te amaharaa i te hoê anotau poto i mairi a'e nei a fatata roa'i te perisideni ra o Federerika M. Semita i te faaho'i to'na toroa perisideni i te Ekalesia a Iesu Mesia i Faaapîhia i te Feia Mo'a i te Mau Mahana Hopea nei, ua apî faahou ia na roto i te hoê faahauraa o tei tupu i rotopu i te feia mana a te Ekalesia ra. No te farii-raa-hia te mau titauraa a te perisideni o Federerika M. Semita'ra, e i te faataa-raa-hia te huru no te mau ture raveraa i te ohipa o tei faahau i te peapea o tei faaarepurepu i te hau e i te au maitai i roto i te Ekalesia ra, e ua maoro hoi na pue matahiti i te vairaa,

i roto i te putuputuraa no te paeau ohipa i te amuiraa ra o tei tairûrû mai i ô nei i teie nei mahana, ua faataehia mai te hoê parau faaité na te apooraa a te perisideniraa e a na pûpû tino ahuru ma piti o tei fariihia e te taatoaraa o te pûpû o te auvaha parau i putuputu mai. Teie maoti te auraa rahi o teie nei parau— Te faataa nei taua faaauraa ra e, te pûpû o na tino hoê ahuru e ma piti ra, o te ohipa mitionare ia ta ratou ohipa matamua, ia rave râ teie nei pûpû i ta ratou ohipa, ei raro a'e ia i te faatereraa a te perisideni. Te faataa atoa nei taua faaauraa ra e, ia tunhia te mau amaa i raro a'e i te faatereraa a to ratou iho feia mana. E riro hoi te pûpû tino hoê ahuru ma piti ei mau faaa'o i te perisideni.

E homa, no te poto o teie parau apî no te Ekalesia Sani to, tei neneihia i roto i taua vea papaa no matou ra, aore a tatou e maramarama atu â i te reira vahi, te titau atu nei râ tatou atoa i te ite i te tumu o taua peapea ra. Ia tae mai te parau tei anibia'tu ra e neneihia'i ia i roto i te vea.

Ua ani atu matou i to Amarika ia haapono mai ia matou te mau parau tumu faatupuraa i teie nei peapea i parauhia i roto i taua vea ra.

I roto i te vea no te avae i mairi a'enei, ua faaite atura matou e, e tae mai e tootoru orometua apî i Tabiti nei, e inaha, na tae mai ratou e te parahi nei ratou i Papeete. O Paulo, o Melavina, e o Leroi to ratou mau i'oa.

I roto ia Eperela ua reva'tu to tatou Tavana rahi Tahito, e i te 17 no Me iho nei, ua tae mai te hoê Tavana rahi apî.

Tei parauhia nei e, ua tae mai te parau niuniu, o tei faaite mai e, ua reva mai to tatou mau faehau tamarii Tahiti, e tapae mai ai to ratou pahi i Papeete nei i te 20 no Tiunu. Ia tae mai ratou ra, e mauruuru ia tatou atoa.